

INATSIARTUT

Isumaginninnermut Sulisoqarnermullu
Naalackersuisoq
ISN@nanog.gl

Ulloq: 22-04-2022
J.nr.:01.38.01.03-00148

Isumaginninnermut Naalackersuisumut allakkatigut apeqquteqaatit

Ilaqutariinnermut Peqqissutsimullu Ataatsimiititaliap UKA2022/23-imik aamma UKA2022/24-imik suliarinninnerminut atatillugu matumuuna imaattunik allakkatigut apeqquteqarpoq.

1. Suliffissarsiortunut ikiorsiissutit innuttaasut amerlanerusut sulilersinneqarnissaannut tapertaanissaat naatsorsuutigineqarpoq. Inatsisissatut siunnersuut qanoq amerlatigisunik sulilersinnaanerannik kinguneqassanersoq Naalackersuisup kisitsisinnngorlugu/missingersorlugu oqaatigisinnaavaa?
2. Suliffeqanngitsunut ikiorsiissutinik pisartagaqartut tamarmik sumiikkarluarunilluunniit, qaffasissumik ilinniagaqarsimagaluarunik aamma imaluunniit misilittagaqaraluarunilluunniit suliffissaannik neqeroorfigineqartassappat? Suliffeqanngitsup suliffissaqarsinnaaneranut kikkut pisussaaffeqarpat?
3. Sumiiffinni Majoriaqarfeqanngitsuni suliffeqanngitsup ikiorneqaqqulluni saaffigisinnaasaanik, siunnersorneqarfigisinnaasaanik soqanngippat ammalu kikkunnit ataatsimiinnissamut aggersarneqassava?
4. Naalackersuisoq inarutaasumik oqaaseqarnermini oqaatigivaa Majoriaq immikkut aningaasalersorneqaqqissasoq, tamannalu kommuninut aningaasanut isumaqatiginninniutigissagaat (kommunal bloktilskud). Naalackersuisup aningaasat qanoq annertutiginissaat missingersorsinnaavai aammalu allaffissornikkut aningaasaqarnikkullu qanoq kinguneqassappat?
5. Siunnersuut 17 mio.kr.-imik naleqassasoq missingersorneqarpoq aammalu naatsorsuutigineqarluni 5 mio. kr.-imik ilunaaaruteqarfiussasoq. Naalackersuisup nassuiarneqarsinnaanerpa siunnersuut tamanna qanoq nunatta karsianut suliniutinullu allanut kalluaasinnaanersoq?
6. Qarasaasiatigut aaqqiissutissat siunnersuutip atuutilersinneqarnissaanut pisariaqartinneqartussat, matumani ilanngullugit ingerlaannartumik qarasaasiat attaveqaataannut CV-nik, nittartakkamut www.suli.gl –imut tunngasut, qarasaasiatigut aaqqiissutit attuumassuteqartut pioreersut suliffissarsiortunut ikiorsiissutiniit pisortat

ikiorsiissutaannut ikaarsaarnermut atatillugu aammalu kommunit kiffartuussineranut tapertaasusseq sumut killippat?

7. Iliuusissatut pilersaarut suliarineqartussap imarisassaa Naalakkersuisup itisilersinnaavaa, matumani ilanngullugu suliffeqanngitsumut anguniagassatut piffissaliisarneq aammalu pilersaarut piumasaqaataasullu?
8. Suliffissarsiortunut ikiorsiissutit nunatta karsianut 17 millioninik akeqarnissaa naatsorsuutigineqartoq aningaasaqarnikkut allaffissornikkullu kingunerisassani allassimavoq. Aamma pisartagaqalersussat nutaat amerlassusaat pillugit paasisutissaqanngitsoq allassimasoqarpoq. Missingersuutit eqqortinneqarnissaannut Naalakkersuisoq qanoq qulakkeerinnissinnaava?
9. Pisortat ikiorsiissutaannik pisartagaqartut sulisinnaanerisa naliliivigeqqinneqarnissaannut aammalu inatsisip atuutilersinneqarneranut atatillugu suliffissarsiortunut ikiorsiissutinut ikaarsaarnerni sullissinerup pisortat allaffissornerulernerannik kinguneqarnissaa naatsorsuutigineqarpa? Pisariaqartinneqartunik immikkut allaffissornikkut sullissinissamut kommunit nukissaqarpat?

Apeqqutigineqartut qulaani taaneqartut (kalaallisut danskisut) allakkatigut piaartumik akineqarnissaat ataatsimiititaliamit qinnutigineqassaaq. Akissuteqaat qarasaasiakkut ataatsimiititaliap allattaanut (mika@ina.alla.gl)-mut aamma Inatsisartunut (inatsisartut@inatsisartut.gl)-mut nassiunneqarnissaat qinnutigineqarpoq.


Qujareerlunga,

Ilaqutariinnermut Peqqissutsimullu Ataatsimiititaliaq sinnerlugu

Inussiarnersumik inuulluaqqusillunga

Hans Peter Poulsen

Ataatsimiititaliap siulittaasua



INATSIARTUT

Isumaginninnermut Sulisoqarnermullu
Naalackersuisoq
isn@nanog.gl

Ulloq: 02-05-2022

J.nr.:01.38.01.03-00148

UPA2022/23-imik aamma UPA2022/24-imik ataatsimiititaliap suliarinninneranut atatillugu ilassutitut apeqqutigiumasat

Inuusuttut sullinniakkat 16-24-inik ukiulinnut tunngatillugu Ilaqutariinnermut Peqqissutsimullu Ataatsimiititaliaq matumuuna ilassutitut apeqquteqarumavoq. Apeqqutigiumasat ilinniartitaanermut aamma attuumassuteqarput, ataatsimiititaliap ilisimavaa aamma apeqqutigiumasanut taakkununga akissutissat Naalackersuisunit paasissutissanik pissarsiariniarneqaaqaarnissaannik / suliaasaqarfiillu allat ilanngussaqaqtariaqarnerannillu kinguneqassasoq.

1. Ulloq 25. april Isumaginninnermut Naalackersuisoqarfimmi ataatsimiinnermi inuusuttunut suliaasaqarfik pingaaruteqarnera pillugu ataatsimiititaliaq paasitinneqarpoq. Ataatsimiititaliap matumani pingaartumik eqqarsaatigai inuusuttut 16-25-inik ukiullit. **Inuusuttut 16-25-inik ukiullit ilinniakkamik aallartitsisimangitsut, suliffissaqanngitsut nalunaarsorsimasut aammalu pisortaniik ikiorsiissutinik pisartagaqanngitsut amerlassusaat** pillugu Naalackersuisoq paasissutisseeqquneqarpoq? Kisitsisaatigineqanngillat, taamaattoqarsimappallu Naalackersuisut paasiniaanissamut sullinniakkallu pineqartut sullinneqarnerisa ineriartornerat malinnaaviginissaannut Naalackersuisut sunik pilersaaruteqarpat?
2. Inuusuttut ilinniagaqarnerulernissaat anguniakkat ilagippassuk siunissami periusissiasat siunissamilu qaninnerusumi suliniutit aallartinneqartussatut naatsorsuutigineqartut allaaserineqassasut Naalackersuisoq qinnuigineqarpoq?
3. Suliaasaqarfiit assigiinngitsut akornanni suliniutit ataqatigiissaarneqarnissaat qanoq qulakkeerniarneqarpa, matumani ilanngullugu immikkut pisuni nappaatinut tunngatillugu allallu sulisinnaanermullu pitsaanngitsumik sunniuteqartartut eqqarsaatigalugit?
4. Inuusuttut sullinniakkat 16-25-inik ukiulinnut sullinneqarneranni kommunit akuutinneqarnissaannut sunik Naalackersuisut pilersaaruteqarpat?

Apeqqutit qulaani taaneqartut (kalaallisut danskisut) allakkatigut sapinngisamik piaartumik akineqarnissaat ataatsimiititaliamit qinnutigineqassaaq. Akissuteqaat qarasaasiakkut ataatsimiititaliap allattaanut (mika@ina.alla.gl)-mut aamma (inatsisartut@inatsisartut.gl)-mut nassiunneqarnissaat qinnutigineqarpoq.

Qujareerlunga,

Ilaqutariinnermut Peqqissutsimullu Ataatsimiititaliaq sinnerlugu

Inussiarnersumik inuulluaqqusillunga

Ataatsimiititaliap siulittaasua

Hans Peter Poulsen



Ilaqutariinnermut Peqqissutsimullu Ataatsimiititaliaq
Inatsisartut

05-05-2022
Sags nr. 2020 – 6652 amma
202-24656
Akt. id. 19909027
Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

UPA2022/23 aamma UPA2022/24 pillugit allakkatigut apeqqutitut akissutit

Asasara Ilaqutariinnermut Peqqissutsimullu Ataatsimiititaliaq

UPA2022/23 aamma UPA2022/24 pillugit ataatsimiititaliami suliarineqarnerannut atatillugu apeqqutitut nassiunneqartunut akissuteqarnissamut Ilaqutariinnermut Peqqissutsimullu Ataatsimiititaliaq qujaffigaara.

Apeqqutit tamarmiutillugit kingornatigullu akissutaat allanneqarput.

1. Suliffissarsiortunut ikiorsiissutit innuttaasut amerlanerusut sulilersinneqarnissaannut tapertaanissaat naatsorsuutigineqarpoq. Inatsisissatut siunnersuut qanoq amerlatigisunik sulilersinnaanerannik kinguneqassanersoq Naalakkersuisup kisitsisinngorlugu/missingersorlugu oqaatigisinnaavaa?

Akissut:

Siunnersuummi qanoq amerlatigisunik sulisoqalissanersoq eqqoqqissaartumik kisitsisilerneqarsinnaangilaq. Inuiaqatigiinni suliffeqarnermi qanoq sulisoqartiginersoq assigiinngitsorpassuarnut attuumassuteqarpoq, ilaatigut inuiaqatigiinni nunallu tamat akornanni aningaasaqarnikkut ineriartornermut.

Suliffissarsiortunut ikiorsiissutit pillugit siunnersuummi ilaatigut piareersimanermit pisussaataaneq ukkatarineqarpoq. Suliffissarsiortut ikiorsiissutinik pisartagaqassagaanni suliffeqarnermit piareersimasariaqarpoq, tassa imaappoq suliffissarsiortup suliffissatut naleqquttutut innersuussa, sulinermik sungiusarnermi neqeroorut, piginnaanngorsaqqinneq (soorlu PKU) akuerissavaa aamma nammineq suliffissanik naleqquttunik ujarlerluni kiisalu Majoriami ataatsimiigiaqqusinerit tamaasa takkuffigalugit.

Inatsisissatut siunnersuummut oqaaseqaatini ilimagineqarpoq, suliffissarsiortunut ikiorsiissutinik pisartagaqartut amerlassusaat 5%-it miss. ikileriassasut. Takorluukkani tunngavigineqarpoq pisortanik ikiorsiissutinik pisartagaqartut 20%-ii suliffissarsiortunut ikiorsiissutinut nuukkumaartut, piareersimanermullu pisussaataanermit atorfinnik piffissaq tamakkerlugu sulisartut 41-nik ikileriassasut ukiumullu 5 mio. kr.-inik



sipaarutaassasoq naliliiffigineqarluni. Suliffissarsiortunut ikiorsiissutit pillugit Inatsisartut inatsisissaattut siunnersuummut oqaaseqaatini immikkoortoq 4-mi nassuiarneqarput.

Suliffissarsiortunut ikiorsiissutit pillugit siunnersuut innuttaasunut sulilernissamik kajumissaarutiniq arlalinnik imaqarpoq. Suliffissaaleqisunut inunnullu pisortanit ikiorsiissutiniq pisartagaqartunut, sulilernissamut piareeqqagaluartunut, ullumikkut kajumissaarutit taakku assinganik soqanngilaq. Taamaattumik naatsorsuutigisariaqarpoq suliffissaaleqisut amerlassusaat eqqarsaatigalugu iluaqutaajumaarpoq.

Piareersimaneremut pisussaataanerup saniatigut kajumissaarineq eqqarsaatigalugu ilaatigut aaqqissuussaq nutaaq imaqarpoq, suliffissarsiortunut ikiorsiissutit ikinnerulertassasut suliffissarsiortutut ikiorsiissutiniq pisartagaqarneq sivitsoriartortillugu.

2. *Suliffeqanngitsunut ikiorsiissutiniq pisartagaqartut tamarmik sumiikkarluarunilluunniit, qaffasissumik ilinniagaqarsimagaluarunik aamma imaluunniit misilittagaqaraluarunilluunniit suliffissaannik neqeroorfigineqartassappat? Suliffeqanngitsup suliffissaqarsinnaaneranut kikkut pisussaaffeqarpat?*

Akissut:

Ullumikkut Majoriaq, Innuttaasunut Sullissiviit, oqarasuaatikkut il.il. aqputigalugit iitersuisoqartarpoq, suliffissaaleqisut ikiorserneqarsinnaallutik siunnersuummilu tamanna allangortinneqarnani. Inatsisartut inatsisissaattut siunnersuutini marlunni tamanna allangortinneqanngilaq.

Siunnersuut imminermini toqqaannartumik suliffissanik pilersitsinngilaq, kisianni inuussutissarsiortut kissaatigisaannik piginnaasanik amerlanerusunik ineriartortitsinermut peqataassaaq.

Siunnersuummi suliniutaavoq, suliffeqarnermut attuumassuteqarneq aalajaatsoq pillugu periarfissagissaarnerunissaq anguniarlugu suliffissaaleqisoq inuussutissarsiormerimi piginnaasanik ineriartortitsinikkut imminut pilersorsinnaanerup annertusarnissaata tunngavissaqarnerulernissaa.

Suliffissarsiortunut ikiorsiissutit pillugit Inatsisartut inatsisissaattut siunnersuummi iliuusissatut pilersaarutitut tunngatillugu imminnut pisussaaffigeqatigiinnermi piumasaqaatit sukannernerulersinneqarput. Tamanna peqatigitillugu kajumissaarineq pillugu aaqqissuussinermik aallartitsisoqarpoq, tamannalu isumaqarpoq sulilernissamut kajumissaarineq piffissap ingerlanerani sakkortusiartortillugu, suliffissarsiortutut ikiorsiissutit pisartagarineri sivitsoriartortillugit ikinneruleriartornissaannik aamma piareersimaneremut pisussaataaneremut tunngatillugu piumasaqaatit sukannernerusut atuutilissammata.

Siunnersuummi suliniutit ilaat tassaavoq, suliffissarsiortut piginnaasaqarnerulernissaannik piumaffigineqarsinnaammata, soorlu piginnaanngorsaqqinnermut pikkorissaanerit.

Suliffissaaleqisoq periarfissanik sorlernik neqeroorfigineqassanersoq, najukkami pissutsit apeqqutaassapput. Taamaattumik suliffissat periarfissallu eqqarsaatigalugit allatigut ineriartorneq, najukkami pineqartumi suliniutit pingaarnersiunerlu apeqqutaassapput.

3. *Sumiiffinni Majoriaqarfeqanngitsuni suliffeqanngitsaq ikiorneqaqqulluni saaffigisinnaasaanik, siunnersorneqarfigisinnaasaanik soqanngippat ammalu kikkunnit ataatsimiinnissamut aggersarneqassava?*



Akissut:

Suliffissarsiornermi suliniutip aaqjissuussaamera ullumikkumut sanilliullugu suliffissarsiortunut ikorsiissutit pillugit Inatsisartut inatsisissaattut siunnersuutip allangortinngilaa.

Ullumikkut Majoriaq, Innuttaasunut Sullissiviit, oqarasuaatikkut il.il. aqutigalugit ilitsersuisoqartarpoq, suliffissaaleqisut ikiorserneqarsinnaallutik siunnersuummilu tamanna allangortinneqamani. Inatsisartut inatsisissaattut siunnersuutini marlunni tamanna allangortinneqanngilaa.

Majoriami kommuninilu sullissisut suliffissaaleqisunik, ilanngullugit nunaqarfinni suliffissaaleqisut, oqaloqatiginiarlugit aggersaasarput. Kommunimi innuttaasunik tamanik qanoq pitsaanerpaamik sullissisoqassanersoq kommunit ataasiakkaat namminneq aalajangissavaat.

4. Naalakkersuisoq inarutaasumik oqaaseqarnermini oqaatigivaa Majoriaq immikkut aningaasalersorneqaqqissasoq, tamannalu kommuninut aningaasanut isumaqatiginninniutigissagaat (kommunal bloktilskud). Naalakkersuisup aningaasat qanoq annertutiginissaat missingersorsinnaavai aammalu allaffissornikkut aningaasaqarnikkullu qanoq kinguneqassappat?

Akissut:

Siunnersuutit Majoriamut aningaasaqarnikkut isumalluutininik naleqqussaannngillat, taakkumi kommuninik isumaqatiginninniareernerme aalajangerneqartarput. Nunap karsianiit aningaasat aningaasanut inatsimmi aningaasaliissutaapput immikkoortitat, kommunillu ataasiakkaat angusassat pillugit isumaqatigiissuteqarnikkut ersarinnerusumik isumaqatigiissutigineqarlutik. Tamatuma saniatigut kommunit namminneq aamma Majoriamut aningaasanik atuisarput.

Suliffissarsiortunut ikorsiissutit aamma pisortanit ikorsiissutit pillugit iluarsaaqqinnerit Naalakkersuisoqarfiit arfallit aamma suleqatigisat avataaneersut, ilanngullugit Aningaasaqarnermut Naalakkersuisoqarfik kommunillu, suleqatigalugit suliarineqarput.

Pisortanit ikorsiissutit pillugit Inatsisartut inatsisissaattut siunnersuummi allaqqavoq, pingaarnertut naliliiffigineqartoq pisortanit ikorsiissutit pillugit iluarsaaqqinneq allaffissornikkut ataatsimut tatisimanninnera maannakkumut assingussasoq. Iluarsaaqqinnerup ilaata allaffissorneq annikillissavavaa, taamaattori ilaasa allaffissornikkut tatisimanninnera annertunerulersissallugu.

Naatsorsuutigineqarpoq, IT-imik aaqjiissutit nutaat ullumikkumut naleqqiullugu sullissineq, ilaatigut iliuusissanik pilersaarutit suliarineqarmerat eqqarsaatigalugu, oqinnerulersissagaa. Suliffissarsiortunut ikorsiissutiniit pisortanit ikorsiissutinut pisartagaqarnermi inuit qassit nuussanersut illoqarfimmiit illoqarfimmut aamma nunaqarfimmiit nunaqarfimmut assigiinngissuteqarsinnaapput.

5. Siunnersuut 17 mio. kr.-imik naleqassasoq missingersorneqarpoq aammalu naatsorsuutigineqarluni 5 mio. kr.-imik ilunaaaruteqarfiussasoq. Naalakkersuisup nassuiarneqarsinnaanerpa siunnersuut tamanna qanoq nunatta karsianut suliniutinullu allanut kalluaasinnaanersoq?

Akissut: Apeqqummut 8-mut akissut takuuk.

6. Qarasaasiatigut aaqjiissutissat siunnersuutip atuutilersinneqarnissaanut pisariaqartinneqartussat, matumani ilanngullugit ingerlaannartumik qarasaasiat attaveqaataannut CV-nik, nittartakkamut



www.suli.gl –imut tunngasut, qarasaasiatigut aaqqiissutit attuumassuteqartut pioreersut suliffissarsiortunut ikiorsiissutiniit pisortat ikiorsiissutaannut ikaarsaarnermut atatillugu aammalu kommunit kifartuussineranut tapertaasussa sumut killippat?

Akissut:

IT pillugu aaqqiissutit kommunini sullissinnermut tapertaasussat suliarineqaleruttorput, kommunillu piareersarlugit aallartinneqareerlutik, ilanngullugit sulisut inatsisissaq nutaaq pillugu.

Sullissinnermut aaqqiissummut kommunalbestyrelsiniit akuersissutigineqareersoq IT pillugu aaqqiissut ilassutaavoq, maannakkullu kommuninut ataasiakkaanut ikkussuunneqaleruttorluni.

Tullianik alloriarnissaq tassaavoq app-ip imassaanik inaarsaanissaq, piffissamik killissarititaasunut naleqqiullugu suliaqarnermi malitseqartitsinermilu ajornaallisaataasussa sullissisunullu ataasiakkaanut paasiuminarsaasussa.

Aaqqiissummi uani innuttaasumut suliaq pisortanit ikiorsiissutit aamma suliffissarsiortunut ikiorsiissutit pillugit sullissisut akisussaasut akornanni tunniussinissaq ajornanngitsumik pisariitsumillu periarfissanngusaaq. Suliassaqarfimmiit suliassaqarfimmut allamat ikaarsaarnermi allaffissornikkut akornutaasunik piaanermut ilaassaaq.

Naatsorsuutigineqarpoq ikaarsaarneq pingaarnertut pissasoq pisortanit ikiorsiissutiniit suliffissarsiortunut ikiorsiissutinut, innuttaasut tamarmik suliffissamut piareersimasutut naliliiffigineqarsinnaanerit aallaavigineqarmat.

7. Iliuusissatut pilersaarut suliarineqartussap imarisassaa Naalakkersuisup itisilersinnaavaa, matumani ilanngullugu suliffeqanngitsumut anguniagassatut piffissaliisarneq aammalu pilersaarut piumasaqaataasullu?

Akissut:

Innuttaasut amerlanersaat pisortanit ikiorsiissutinik imaluunniit suliffissarsiortunut ikiorsiissutinik qinnuteqartut siuumoortumik ersarissumillu nalunngeriissavaat suliffissamut piareersimasutut isigineqarlutik. Nalornisoqartillugu sullissisartup sapinngisamik piaarnerpaamik naliliiffigissavaa pisortanit ikiorsiissutinik imaluunniit suliffissarsiortunut ikiorsiissutinik qinnuteqartoqassanersoq.

a)

Suliffissaaleqisunut sulinissamut piareeqqasunut tunngatillugu kommunalbestyrelsimi suliffissarsiortutut allatsinnerup sap.ak. sisamat qaangiutsinnagit iliuusissatut pilersaarut suliarineqassaaq.

Iliuusissatut pilersaarummi ilannguneqassapput suliffissarsiortunut ikiorsiissutinik pisartagaqartup tamakkiisumik inissisimanera, ilanngullugit ilaqutariinnut, ineqarnermut, napparsimanermut pissutsinut tunngasut pissutsillu allat suliffissarsiortutut qinnuteqartup suliffissatut periarfissaanut pingaarutillit.

Iliuusissatut pilersaarummi piviusut naapertorlugit anguniakkat sammisaqartitassallu suliarineqassapput, suliffissarsiortunut ikiorsiissutinik pisartagaqartumut ilinniakkamik naammassisaqarnissamut imaluunniit



sulinermut atatillugu piginnaanngoqqissarnermik aallartitsinissamut periarfissiisumik, pisartagaqartup sulinermik isumaginninnissamut periarfissaanik pitsanngorsaataasumik kiisalu pisartagaqartup suliffeqarnermut attuumassuteqarneranik nukittorsaataasumik siunertaqartoq.

Iliusissatut pilersaarummi nalunaarsorneqarsinnaavoq pisartagaqartup sammisassaqtitsinerni peqataasarnissaa, ilanngullugit oqaloqatigiinnerit, suliniutit, suliffimmi sungiusarneq, inuttut ineriartornermut pikkorissarnerit, sulinermut pikkorissarnerit suliffissamillu innersuussutigineqartoq suliffigisinnaaneraa.

Iliusissatut pilersaarut naliliiffigineqartassaaq pisariaqartitalllu malillugit naleqqussarneqarluni minnerpaamik qaammatit pingasut ingerlaneranni ataasiarluni.

b)

Suliffissaaleqisut sulinissamut piareeqqanngitsunut tunngatillugu, qinnuteqarnerup kingorna ullut 14 qaangiutsinnagit oqaloqatigiinneq siulleq ingerlanneqassaaq. Tamatuma kingorna iliusissatut pilersaarut inummut ataatsimut tunngasoq suliarineqassaaq, tamatumani pisortanit ikorsiissutinik pisartagaqartup tamakkiisumik inissisimanagera eqqarsaatigineqassalluni.

Iliusissatut pilersaarut sammisaqartitsinermut tunngasunik piviusorsiorturnik imaqassaaq, ataavartumillu naliliiffigineqartassalluni kingusinnerpaamillu qaammatit arfinillit qaangiunneranni. Qaammatit 12-it qaangiuppata pisortanit ikorsiissutinik pisartagaqartoq pisartagaqarnini ingerlatiinnassaneraa imaluunniit assersuutigalugu siusinaartumik pensionisiaqalernissamik qinnuteqarnissaa tigussaasumik naliliiffigineqassaaq.

Innuttaasut tamarmik inissisimanagerat assigiinngitsuusarmata iliusissatut pilersaarutip tigussaasumik imaqarnissaanik nassuiaateqarnissaaq ajornakusoorpoq. Sullissisut ataasiakkaat pisortanillu ikorsiissutinik pisartagaqartut ataasiakkaat ataatsimoorlutik naliliiffigisariaqarpaat suut naleqqunnerpaanersut. Assersuutigalugu atonerluinermik katsorsaanerumut peqataaneq, piffissanut aalajangersimasunut takkuttarneq, ilinniartitsinermut peqataaneq, kingunerlutsitsinerit pissutigalugit suliarineqarnissamut atatillugu oqaloqateqarnerit il.il.

Pisortanit ikorsiissutinik pisartagaqartoq sap.ak. minnerpaamik nal.ak. 20-t nalinginnaasumik sulisinnaasutut naliliiffigineqarpat, innuttaasooq suliffissarsiorturnut ikorsiissutinut ingerlaanaq nuunneqartassaaq.

8. Suliffissarsiorturnut ikorsiissutit nunatta karsianut 17 millioninik akeqarnissaa naatsorsuutigineqartoq aningaasaqarnikkut allaffissornikkullu kingunerisassani allassimavoq. Aamma pisartagaqalersussat nutaat amerlassusaat pillugit paasissutissaqanngitsoq allassimasoqarpoq. Missingersuutit eqqortinneqarnissaannut Naalakkersuisooq qanoq qulakkeerinnissinnaava?

Akissut:

Iluarsaaqqinnerni aningaasaqarnikkut allaffissornikkullu kingunerisassat pillugit naatsorsuinerimi eqqoriaaneq tunngavigineqarpoq, inatsisillu oqaaseqaateqarfigineqarneranni takuneqarsinnaavoq eqqoriaanerimi annertuumik qularnartoqartoq.

Suliffissarsiorturnut ikorsiissutinik pisartagaqartut amerlassusaat aningaasaqarnikkut nikerarnerit suliffeqarnermilu tamanut tunngasuni ineriartorneq assigalugit nikerartassaaq.



Suliffissarsiortunut ikiorsiissutinik pisartagaqartut amerlanernik ikinnerusunilluunniit takkuttoqarpat, aningaasaqarnikkut kingunissai allangussapput. Assersuutigalugu suliffissarsiortunut ikiorsiissutit pillugit siunnersuummi eqqoriarneqarpoq, piareersimaneremut pisussaaitaaneq namminermi isumaqassasoq, suliffissarsiortunut ikiorsiissutinik pisartagaqartut 41-nik ikinnerulissasut, ukiumullu 5 mio. kr. sipaarneqartassasut. Aningaasaqarnikkut aningaasartuutit malunnaatilimmik nikerartassapput, inuit qassit imminnut pilersuisinnaalernersut apeqquutaalluni.

9. Pisortat ikiorsiissutaannik pisartagaqartut sulisinnaanerisa naliliivigeqqinneqarnissaannut aammalu inatsisip atuutilersinneqarneranut atatillugu suliffissarsiortunut ikiorsiissutinut ikaarsaerneranni sullissinerup pisortat allaffissornerulernerannik kinguneqarnissaa naatsorsuutigineqarpa? Pisariaqartinneqartunik immikkut allaffissornikkut sullissinissamut kommunit nukissaqarpat?

Akissut:

IT pillugu aaqqiissutit ilaatigut iliuusissatut pilersaarutit suliarineqarnerat ajornanginnerulersissavaat.

Pisortanit ikiorsiissutinik pisartagaqartunut naleqqiullugu allaffissornerup annertunerulernissaa naatsorsuutigineqanngilaq, isumalluutinilli agguataarinerup allangornissaa. Ullumikkut pisortanit ikiorsiissutit pillugit naatsorsuisarneq isumalluutinik assut atuisarpoq, kisianni pisortanit ikiorsiissutit pillugit Inatsisartut inatsisissaattut siunnersuummi naatsorsuutigineqarpoq isumalluutit taakkua innuttaasut inissisimanerannut tunngatillugu sullissinermi atorneqarsinnaasut, amerlassusaammi aajalangersimasut aallaavigineqassammata, nalilersuineq aallaavigalugu amerlassusiliinerunngitsoq.

Naliliiffigineqarpoq, sullissineq pisariinnerulerpat allaffissornermilu tatisimaneqarneq oqinnerulerpat kommunit sulisunik aqqaneq-marlunnik sipaaruteqassasut, aningaasanngorlugu 6 mio. kr. Iliuusissatut pilersaarutinik innuttaasumut ataatsimut tunngassutilinnik suliaqartoqartalerani, sullissisartunut ullumikkut sulisut piginnaasat eqqarsaatigalugit, allanik piumasaaqateqarpoq. Naatsorsuutigineqarpoq, innuttaasunut pisortanit ikiorsiissutinik pisartagaqartunut neqeroorutinik eqqortunik suliaqartarnissamut innersuussisarnissamullu, kommunit qulinik eqqortunik piginnaasalinnik sulisoqassasoq.

Ullumikkut kommunini sulisut atorfeqartinneqartut iluarsaaqqinnerit nutaat malillugit sullissinermi suliassanut isumaginninnissamut piginnaasaat annertusartariaqarpat. Uani IT pillugu aaqqiissut nutaaq suliarineqassaaq sullissisut sulineranni tapertaaqataasusaaq. Kommunini ataasiakkaani sulisut pikkorissartinneqarnissaat pilersaarutaavoq, taamaasillutik atuuffik takkuttusaaq isumagisinnaaqullugu aamma innuttaasumut ataatsimut naleqqussakkamik iliuusissatut pilersaarutinik suliaqartarlutik. Pikkorissarnerit 2022-mi ukiakkut 2023-milu kingornalu malitseqartitsinissaaq pilersaarutaavoq.

Kommunimi innuttaasut tamarmik sapinngisamik pitsaanerpaamik qanoq sullissisoqassanersoq kommunit ataasiakkaat namminneq aalajangissavaat.

Inunnut pisortanit ikiorsiissutiniit suliffissarsiortunut ikiorsiissutinut nuuttunut tunngatillugu, kommunit pisortanit ikiorsiissutinut suliatut ingerlattanunnaassavaat, taamaattorli suliffissarsiortunut ikiorsiissutiniit suliaq ingerlatissallugu.



Suliffissarsiortunut ikiorsiissutit pillugit inatsisissatut siunnersuummi naliliiffigineqanngilaq, pisortanit ikiorsiissutiniit suliffissarsiortunut ikiorsiissutinut nuuttoqarnerata malitsigisaanik kommunit taasariaqartumik sulinermi tatisimaneqarnerulissanersut.

Iluarsaaqqinnerit marluk atuutilerpata naatsorsuutigineqarpoq, eqimattanut taakkununga marlunna suliniutit ukkatarinninnerusut tigussaannerusullu atorneqalissasut.

Inussiarnersumik inuulluaqqusillunga

Jess Svane

Isumaginninnermut Sulisoqarnermullu Naalakkersuisoq



Ilaqtariinnermut Peqqissutsimullu Ataatsimiititaliaq Inatsisartut

09-05-2022
Sags nr. 2020 - 6652
Akt. id. 19987615

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

UPA2022/23 aamma UPA2022/24 pillugit ilassutitut apeqqutinut akissutit

Asasara Ilaqtariinnermut Peqqissutsimullu Ataatsimiititaliaq

UPA2022/23-mik aamma UPA2022/24-mik Ataatsimiititaliaq suliarinninneranut atatillugu ilassutitut apeqquteqaatit nassiuqqartut akissuteqarfiginissaannut periarfissinneqarnera qujassutingaara.

Apeqqutit tamarmiutillugit kingornatigullu akissutaat allanneqarput. Apeqqut 2-mut tunngatillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmiit akissut pissarsiarineqarpoq.

1. Ulloq 25. april Isumaginninnermut Naalakkersuisoqarfimmi ataatsimiinnermi inuusuttunut suliaasaqarfik pingaaruteqarnera pillugu ataatsimiititaliaq paasitinneqarpoq. Ataatsimiititaliaq matumani pingaartumik eqqarsaatigai inuusuttut 16-25-inik ukiullit. **Inuusuttut 16-25-inik ukiullit ilinniakkamik aallartitsisimangitsut, suliffissaqanngitsut naluarsorsimasut aammalu pisortaniik ikiorsiissutinik pisartagaqanngitsut amerlassusaat** pillugu Naalakkersuisoq paasissutisseeqquneqarpoq? Kisitsisaatigineqanngillat, taamaattoqarsimappallu Naalakkersuisut paasiniaanissamut sullinniakkallu pineqartut sullinneqarnerisa ineriartornerat malinnaaviginissaannut Naalakkersuisut sunik pilersaaruteqarpat?

Akissut: Kisitsisaatigineqanngitsunut tunngatillugu kisitsisinik eqqortunik tunniussinissaq ajornakusoorpoq. Taamaattoq Kalaallit Nunaanni Naatsorsueqqissaartarfimmiit kisitsisini nutaani takuneqarsinnaavoq marts 2022-mi inuusuttut 18-25-nik ukiullit 287-it naluarsorneqarsimasut.

Inuiaqatigiinni eqimattat 16-it 25-llu akornanni ukiullit ulloq 1.1.2022-mi 6.711-upput. Eqimattami tassani 6.389-it akileraartartussaataasut imaluunniit akileraarusersorneqanngitsunik aningaasarsiaqartutut (sulineramik aningaasarsiat, ilinniagaqarnerisut, pisortani ikiorsiissutit, suliffissarsiortunut ikiorsiissutit, siusinaartumik persionisiat imaluunniit atuartunut tapiissutit) naluarsugaapput.

Taamaattumik qulaani allaqqasut tunngavigalugit inuusuttut 16-25-nik ukiullit 322-t pineqarput, suliffeqanngitsut, ilinniakkamik aallartitsisimangitsut imaluunniit suliffissarsiuussisarfirmmut naluarsimangitsut. (Nalinginnaasumik "inuusuttut sullinniakkat" inuusuttut susassaaleqisutut



nassuiarneqartarput, tassa suliffeqanngitsut imaluunniit ilinniakkamik aallartisisimangitsut aamma suliffissaaleqisutut nalunaarsortissimangitsut.)

Inuusuttut 16-25-inik ukiullit ilinniakkamik aallartisisimangitsut, suliffissaqanngitsutut nalunaarsorsimasut aammalu pisortanit ikiorsiissutinik pisartagaqanngitsut pillugit apeqqut akiuminaappoq, suliffissaaleqisut 18-it sinnerlugit ukiullit tamarmik pilersuinermik ikiorsiissutinik pisartagaqartarmata. Periarfissaq tamanna suliffissaaleqisut 18-it inorlugit ukiulinnut atuutinngilaq, aatsaat pilersuisuuppata.

Naalakkersuisut Naalakkersuisoqarfik aqqutigalugu Majoriaq ataavartumik oqaloqateqartarpoq inuusuttut sullinniakkat kikkuuneri paasiniarlugit, inuusuttut suliffeqarfimmi sulilernissaat imaluunniit inuiaqatigiinni ilinniartitaanermik neqeroorummik atuinissaat siunertaralugu ujartuilluni ilitersuineq ingerlanneqarnissammat. Tamatuma saniatigut ujartuilluni ilitersuinerup qulaajassavaa peqqinnissamut tunngatillugu suussusersiniaanermik passutaritinnermilluunniit pisariaqartitsisoqarnersoq, ilinniagaqarnermik sulilernissamilluunniit akornutaasinnaammat.

2. Inuusuttut ilinniagaqarnerulernissaat anguniakkat ilagippassuk siunissami periusissiasat siunissamilu qaninnerusumi suliniutit aallartinneqartussat naatsorsuutigineqartut allaaserineqassasut Naalakkersuisoq qinnuigineqarpoq?

Akissut: Aallaqqaammut oqaatigisariaqarpoq, inuusuttut ilinniakkamik aallartitsinissaat inuusuttunullu sullinniakkanut ilanngutinnginnissaat qulakkeerniarlugu 2021-mi 2022-milu suliniutit aallartinneqarmata. Ilaatigut inuunerinnissaq aamma ilitersuinermik suliassaqarfimmi suliniuteqarneq pillugit pinaveersaartitsinermik suliniutaapput, taakkulu Ilinniartitaanermut Pilersaarut 2021 aamma Ilinniartitaanermut Pilersaarut 2022 immikkoortuini "Inuusuttut ilinniakkat suliffiullu avataaniittut" allaaserineqarlutik. Kingulleq suli saqqummersinneqanngilaq, naatsorsuutaavorli kingusinnerpaamik juni 2022-mi saqqummersinneqarumaartoq.

Siunissami inuusuttunik ilinniagaqarnermik aallartitsinissamik inuusuttullu sullinniakkat ikilisarnissaannik siunertaqartumik periusissat suliniutissallu eqqarsaatigalugit qitiusumik suliniutit taaneqarsinnaasut makkuupput:

- *Inuusuttunik ilinniartitaanerup avataaniittut pillugit misiliutitut misissuineq, Ilinniaritaanermut, Kultureqarnermut, Timersornermut Ilageeqarnermullu Naalakkersuisoqarfimmit suliarineqartoq, tunngavigalugu sammisaq pillugu itinerusumik misissueqqissaarnissarmik sulineq aallartinneqarpoq. Siunertaavoq inuusuttunik ilinniartitaanerup avataaniittut pillugit ilisimasanik katersinissaq, siunissami periusissiat suliniutillu piukkunnarsarnissaat anguniarlugit.*
- *Qulaani misissueqqissaarnermut tapiliullugu Ilisimatusarfiup, inuusuttut sulliniakkat ilanngutinnissaat pillugu piffissami sivilisinerusumi ilisimatusarnissamut, suleqataasinnaaneranut periarfissat misissorneqarput. Nalunaarusiami nutaami aalajangersumik oqaatigineqarpoq, Kalaallit Nunaanni¹ sammisaq pillugu ilisimatuussutsikkut piginnaasat annikitsuusut. Taamaattumik siunertaq tassaavoq suliassaqarfimmi ilisimatuussutsikkut ilisimasanik pilersitsinissaq, siunissami periusissianik suliniutinillu suli piukkunnarnerulersitsisussa.*
- *2021-mi 2022-milu naalakkersuisoqarfiit akornanni suleqatigiittoqarpoq suleqatigiit "Tasiilami immikkut suliniutit pillugit naalakkersuisoqarfiit akornanni suleqatigiit". Siunertaavoq Tasiilami ilinniartitaanerup qaffasissusia suliffeqarnerlu annertusineqarsinnaaneritut aaqqiissutissanik*

¹ [ODA Open Digital Archive: Inclusion of young people in school, work and society – a review of Nordic research literature \(oslomet.no\)](https://oslomet.no)



saqqummiussinissaq. Suleqatigiit inassuteqaatinik suliaqarput, nunami piffinni allani atorneqarsinnaasunik.

- Naatsorsuutigineqarpoq 2022-mi Ilinniartitaanermut Periusissiaq nutaaq piareerseqassasoq, taassuma Ilinniartitaanermut periusissiaq 2015-imeersoq taarsissallugu. Ilinniartitaanermut Periusissiami nutaami ilinniartitaanermi anguniakkat nutarsarneqassapput; ilanngullugu inuusuttut ilinniakkamik aallartitsinissaat pillugu suliaq.
- 2019-imut Aningaasaqarnermut inatsimmi isumaqatigiissutigineqartumi aalajangerneqarpoq naalakkersuisoqarfiit akornanni suleqatigiinnermik aallartitsisoqassasoq taaguuserlugu "Imminut Pilersorsinnaaneruneq". Suleqatigiinnerup siunertaraa, inuusuttut amerlanerit ilinniakkamik aallartitsinissaannik sulilernissaannillu tapersersuinissaq. 2020-mi workshopimik malitseqartitsineq tunngavigalugu suleqatigiit pilersineqassasut inassutigineqarpoq, inuusuttut inuusuttunut sullinniakkanut ilaalersartut amerlassusaat qanoq isilluni ikileriarinneqarsinnaanersoq pillugu tigussaasunik innersuussuteqartussat kiisalu inuusuttunut sullinniakkanut tunngatillugu paasissutissat tutsuiginartut qanoq isilluni suliarineqarsinnaanersut. Naatsorsuutaavoq suleqatigiit 2022-mi pilersineqassasut qulaanilu suliassat allaqqasut aallartinneqarumaartut.
- Naalakkersuisut ilinniartitaaneq pillugu paasiniaaqatigiinnermut (marts 2022-mi ingerlanneqartoq) tapiliullugu aalajangerput danskisut piginnaasat qaffasissusaat suliffimmilu sungiusarfissat eqqarsaatigalugit, inuusuttut ilinniakkamik aallartitsininaanerit ajornannginnerulersinniarlugu sulisoqassasoq. Ilanngullugu aalajangerneqarpoq, siunissami EFG-tut ittumik aaqqiissummik, inuusuttut ilinniakkamik sorlermik inaarutaasumik aalajanginnginnermi ilinniakkat arlallit misilinnissaannut periarfissaqarnerulersitsisumik, pilersitsinissaq anguniarlugu sulisoqassasoq.

3. Suliassaqarfiit assigiinngitsut akornanni suliniutit ataqatigiissaarneqarnissaat qanoq qulakkeeriarneqarpat, matumani ilanngullugu immikkut pisuni nappaatinut tunngatillugu allallu sulisinnaanermullu pitsaanngitsumik sunnuteqartartut eqqarsaatigalugit?

Akissut: Suliffissarsiortunut ikiorsiissutit pillugit Inatsisartut inatsisissaattut siunnersuummi aamma pisortanit ikiorsiissutit pillugit Inatsisartut inatsisissaattut siunnersuummi allaqqavoq, sullissinnermi IT pillugu aaqqiissut pisortatigoortoq atorneqassasoq. Taamaalilluni aaqqiissut taanna atorneqartussaavoq innuttaasup pisortanit ikiorsiissutinik imaluunniit suliffissarsiortunut ikiorsiissutinik pisartagaqarnera apeqqaatinnagu.

Taamaattumik assersuutigalugu suliassani innuttaasoq suliffissarsiortunut ikiorsiissutinut nuunnerani paasissutissanik avitseqatigiissinnaaneq, taamaalilluni innuttaasumut sullissineq eqaatsutut aporfissaqanngitsutullu misigineqassalluni.

4. Inuusuttut sullinniakkat 16-25-inik ukiulinnut sullinneqarneranni kommunit akuutinneqarnissaannut sunik Naalakkersuisut pilersaaruteqarpat?

Akissut: Pisortanit ikiorsiissutit pillugit Inatsisartut inatsisissaattut siunnersuummi ilaatigut allaqqavoq, inunnut ataasiakkaanut iliuusissatut pilersaarusernerup suliarineqarneranut atatillugu suliassaqarfiit akornanni suleqatigiit minnerpaamik ataatsit inuusuttunik ukkatarisaqassasut piumasaqaataasoq.

Kommunit ataasiakkaat tusarniaanermi akissummi tamanna oqaaseqarfigivaat siunnersuutip § 15-ianut tunngasoq, naalakkersuisoqarfillu imatut akissuteqarpoq:

"Aalajangersagaq Naalakkersuisut anguniagaat naapertorlugit minnerpaaffiliinissamut aalajangersagaavoq, tamannalu aqqutigalugu ajornartorsiutit ikiorsiissutinik annertussusilerikkaniq tiguisartut piginnaasaasa suliarinissaannut sulfissaqarfiit assigiinngitsut ilisimasaat piginnaasaasalu atorneqarnissaat qulakkeerneqassaaq. Peqatigitillugu pingaartumik inuusuttut 30-t inorlugit ukiullit ingerlariaqqinnissaminut kajumissaarnissaat ikiorneqarnissaallu siunertaavoq."



Inussiarnersumik inuulluaqqusillunga

A handwritten signature in black ink, appearing to read 'Jess Svane'.

Jess Svane